

Chi grazie e pace volesse  
A lo Sarevatore che nge iesse.

E nui nge stamo ienno  
che bella grazia che stamo avenno.

E botate e botatelle  
simo arrivati a la prima cappella.

E botate e botatelle  
mo saglimo sta montagnella.

E botate e botatelle  
simo arrivati a n'ata cappella.

Sino arrivati a lo primo scalino  
e lo Sarevatore sta chiù bicino.

Simo arrivati a la Chiesa Santa  
e nginocchiamoci tutti quanta.

E ngoppa a l'altare maggiore  
la ng'è nato no bello fiore.

Nonn'è giglio e nonn'è fiore  
è lo Santissimo Sarevatore.

E ngoppa a la statuella  
ngi so nati dui uocchi belli.

Sono belli com'a lo sole  
è lo Santissimo Sarevatore.

Statti buono, Santissimo mio,  
l'anno che vene ngi vidimo.

Nge ne iamo a re case noste  
e ne portamo re grazie voste.

Se no ngi vidimo chiù  
nparaviso c'aspietti tu.

Se no ngi vidimo qua  
nge vidimo a la ternità.